

capere cupit: illa vero frutetum, quo se is conjecerit, urget, idq; concutiens, ab assiduo cursu non sinit conquiescere, itaq; is iterum excurrit, illa quoq; non se ad insequendum tardans, currere insistit. Cum autem continentur ex alio alius cursus hunc vigilans, diu multumq; fatigatum exceperit, currendo fessus & laboribus succumbit, & longius procedere desistit; ipsa vero cōsecuta eum ipsum non sane cursu, sed longinquitate temporis & captiosā investigatione comprehendit. *Ælian. l. 13. c. 11.*

C A P U T X X X I X .

Vestigia.

Leporis vestigia multum hyeme procedunt, quia longæ sunt *Vestigia.* noctes: parum autem æstate, quia è contrario sunt breves. Nec vero suboleat hyeme, cum primum calorem suā vi contrahens, geluq; claudens in se contineat: & cum hoc fuerit torpescantibus naribus canes sentire non possunt, priusquā sol diesve procedens omnia resolvat. tunc & canes odorant & ipsa dum percurruatur vestigia redolent. Ea vero delet & ros multus superincumbens. Imbres etiam qui per anni tempora gignuntur, odorem ab humo rapiētes, olfactum donec exiccetur difficilem reddunt. Sed australis tempestas deterior est; nam humectans diffundit; septentrionalis vero si serena fuerit contrahit & servat. At vero Pluvia & rores innudāt. Luna etiam halitum extenuat & si plenilunium fuerit, & vestigia tunc quidem incertissima sunt. Nam exultantes ad Lunam lepores inter se colludunt, & ea longissimè dissipantes dirimunt; sed perturbatissima sunt, cum ea vulpes antea pertransierint. Ver propter anni temperiem valde clara præbet vestigia; quanquam terra sicubi floret canibus nocet, dum in unum spirantes confundit odores: sed exilia æstate sunt & ambigua. Nam terra fervens abolet quicquid halitus habens. Est enim tenuis & canes tunc minus odorant, quia resoluta sunt corpora. Verum autumno pura sunt vestigia. Quæcunq; enim terra producit, & domestica jam reposita sunt, & agrestia situ labefactata, ut fractum odores nō superent quibus occupentur. Et hyeme & æstate & autumno